

*veare ad fin. con. sta. officio proprio*

10

DIE XXVI. FEBRUARII.

IN FESTO

# B. JOANNIS DE RIBERA

PATRIARCHÆ ANTIOCHENI,  
ET ARCHIEPISCOPI VALENTINI

DUPLEX MAJUS.

*Omnia de Communi Confessoris Pontificis  
præter ea, quæ sequuntur.*

*Ad Vesp. in Hym.*  
Iste Confes. mut. 3.  
*Vers.* Hac die lætus  
Meruit Supremos.

ORATIO.

**D**Eus, qui B. Jo-  
annem Con-  
fessorem, atque Pon-  
tificem Pastoralis so-

licitudine, & divini  
sacramenti Corpo-  
ris, & Sanguinis tui  
dilectione admirabi-  
lem effecisti; quæ-  
sumus, ut ejus in-  
tercessione redemp-  
tionis tuæ fructus  
nos jugiter facias  
esse participes. Qui  
vivis &c.

2  
IN I. NOCTURNO.

*Lectioes, Fidelis  
sermo.*

IN II. NOCTURN.

LECTIO IV.

**J**Oannes de Ribe-  
ra Hispali natus  
anno millesimo  
quingentesimo tri-  
gesimo secundo ac-  
ceptum ex clarissi-  
ma familia decus  
non solum retinuit,  
sed quamplurimum  
etiam suis ipse vir-  
tutibus auxit. Ejus  
adhuc pueri inno-  
centia, & pudor, &  
gravitas quædam  
morum adeo explen-  
descebat, ut, eo præ-  
sente, omnes vere-  
rentur, ne quid in-  
decere dicerent, aut  
facerent. Quum

apud Patrem huma-  
nioribus fuisset lit-  
teris egregie instruc-  
tus, Salmanticam ad  
severiores discipli-  
nas, ea in Academia  
doctissimis viris  
afluente, addiscen-  
das fuit missus. Ubi  
quum integritate vi-  
tæ, & pietate cunc-  
tis exemplo esset,  
videreturque, ut ma-  
gister ejus dicebat,  
ad corrigendos, et  
componendos con-  
discipulorum suo-  
rum mores venisse,  
tum eos fecit in stu-  
diis progressus, om-  
nium ut ora in se  
unum converteret.  
Itaque Theologiæ  
doctoris laurea ei  
rite decreta, factus-  
que ipse Presbyter,  
dignus est habitus,  
quem Pontifex Ma-  
ximus, postulante

Philippo II. Rege,  
vel ante legitimam  
triginta ob annorum  
ætatem Episcopum  
Pacensem crearet.

β. Inveni David  
servum meum, oleo  
Sancto meo unxi  
eum, \* Manus enim  
mea auxiliabitur ei.

γ. Nihil proficiet  
inimicus in eo, et  
filius iniquitatis non  
nocebit ei. Manus.

#### LECTIO V.

Q Uo in munere  
talem se præ-  
stitit, qualem  
Timotheum Episco-  
pum etiam juvenem  
Apostolus Paulus  
instituit, ita ut, mag-  
na cum auctoritate,  
Episcoporum offi-  
cia in Concilio Com-  
postellano explicare  
potuerit. Qua pro-

fecto re permotus  
sanctus Pius V. Pont.  
Max. eum, paucis  
post annis, in Cardi-  
nalianum coetu publi-  
ce, et magnificentis-  
simè laudatum, Pa-  
triarchæ Antiocheni  
dignitate auxit, nec  
multos post menses  
eundem ad Valen-  
tiæ Archiepiscopa-  
tum invitum trans-  
tulit, Valentinis qui-  
dem, ob ejus adven-  
tum, lætitia, Pacen-  
sibus vero, ob ipsius  
discessionem, mœro-  
re summo adfectis.  
Gregem suum, quo  
ad vixit, omni ratio-  
ne pavit, verbo,  
scriptis, Sacramen-  
torum administra-  
tione, conciliis ha-  
bitis: eum sæpè cir-  
cumibat, ad necessi-  
tates ejus omnes  
præsto erat, immane

pecuniæ pondus tum  
 in iis sublevandis,  
 tum in plerisque  
 Templis, ac Coeno-  
 biis, vel condendis,  
 vel instruendis col-  
 locasse quotannis re-  
 pertus est. Accessio-  
 ne potentia ei facta  
 ex Pro-regis mune-  
 re, quod subeun-  
 dum ipsi fuit in Va-  
 lentia regno, Philip-  
 po tertio cogente,  
 ea est usus ad vitia  
 magis excindenda,  
 Christianasque vir-  
 tutes latius suo in  
 populo disseminan-  
 das. Ejus consilio,  
 diligentia, diutur-  
 noque labori, et  
 operæ tribuendum  
 est, quod Maurisco-  
 rum pestis ex Valen-  
 tia Regno fuerit de-  
 pulsa, atque exhaus-  
 ta. Posui adjuto-

rium super poten-  
 tem, et exaltavi  
 electum de plebe  
 mea, \* Manus enim  
 mea auxiliabitur ei.  
 ¶ Inveni David  
 servum meum, oleo  
 Sancto meo unxi  
 eum. Manus.

## LECTIO VI.

**Q**Uum p virtuti-  
 bus ipse omni-  
 bus floreret,  
 tum præcipua, ac  
 mirifica prorsus  
 ejus extitit erga San-  
 tissimum Eucharis-  
 tia Sacramentum  
 pietas, quo coram  
 complures quotidie  
 horas venerabun-  
 dus transigebat in  
 tanta occupatione  
 vitæ: nec ullam in-  
 termisit diem, quin  
 Sacrificium perage-  
 ret, quo tempore

vim lacrymarum  
 singulari incensus  
 ehasitate profunde-  
 bat. Atque ut ad  
 mysterium illud  
 amoris divini justis  
 laudibus prosequen-  
 dum exsuscitaret ho-  
 mines, indulgentia-  
 rum ei rei præmium  
 quoddam à Pontifi-  
 ce Maximo proponi  
 impetravit. In cla-  
 rissimum Colle-  
 gium, quod Corporis  
 Christi voluit no-  
 minari, constituen-  
 dum, quinque ejus  
 ædes, et Ecclesiam  
 magnifice ædifican-  
 dam, hereditatem,  
 quæ, Patre mortuo,  
 sibi obvenit, valdè  
 opimam contulit.  
 Quibus in ædibus  
 sedem sibi ipse dele-  
 git, ibique Episco-  
 patus laboribus qua-  
 draginta novem an-

nos fortissime perla-  
 tis, tandem defunc-  
 tus, die, quem præ-  
 dixerat, pridie no-  
 nas Januarii anni mi-  
 llesimi sexcentesi-  
 undecimi, omnibus  
 Ecclesiæ Sacramen-  
 tis instructus, Jesum  
 ter clara voce adpe-  
 llans, animam sua-  
 vissime efflavit. Ma-  
 gna fuit in existima-  
 tione apud principes  
 viros, reges, antisti-  
 tes, ipsosque adeo  
 Pontifices Maxi-  
 mos, S. Pium V.  
 Clementem VIII.  
 ac Paulum V. sum-  
 maque necessitudi-  
 ne conjunctus cum  
 omnibus fere, qui ea  
 ætate sanctimonia  
 excelluerunt, in qui-  
 bus S. Carolus Bor-  
 romæus quàm eum  
 haberet carum, testi-  
 monio sunt ex epis-

tola, quas ad illum  
dedit. Sepulcro illa-  
tus est in Ecclesia  
ipsa Collegii a se  
conditi, ejusque  
præstantibus virtu-  
tibus, miraculisque,  
eo debrecatore, fac-  
tis, denique proba-  
tis, PIUS SEXTUS  
Pontif. Max. eum  
Beatum rite pronun-  
ciavit XIV. Calen-  
das Octobris anni  
millesimi septingen-  
tesimi nonagesimi  
sexti.

V. Iste est, qui  
ante Deum magnas  
virtutes operatus  
est, et omnis terra

doctrina ejus reple-  
ta est. \* Ipse in-  
tercedat pro pecca-  
tis omnium popu-  
lorum.

Ÿ. Iste est, qui  
contempsit vitam  
mundi, et perve-  
nit ad Cœlestia  
regna. Ipse. Gloria  
Patri. Ipse.

### IN III. NOCTURN.

Homilia S. Gre-  
gorii Papæ. In Evan-  
gel. Homo peregre.  
Missa Statuit de  
Communi Confes.  
Pontif.

# DECRETUM<sup>7</sup>

## VALENTINUM.

**S**anctissimus Dominus Noster Pius Sextus Pont. Max. ad humillimas preces P. Fr. Vincentii Castrillo Ex-Generalis, nunc Procuratoris Generalis Ordinis Minorum S. Francisci de Paula, ac Postulatoris Causæ B. JOANNIS DE RIBERA Patriarchæ Antiocheni, et Archiepiscopi Valentini, referente R. P. D. Hieronymo Napolionio Fidei Promotore, peculiaribus inspectis circumstantiis in supplici libello enarratis, benigne indulset, ut ab universo Clero tam seculari, quam Regulari utriusque sexus Civitatis, Diocesis, et Regni Valentiaë, necnon Civitatum, et Diocesium Paensis, Hispalensis, et Salmanticensis recitari possit quotannis in die festo ejusdem Beati Officium cum Missa ritu dupl. maj. cum Oratione propria jam approbata, et suprascriptis Lectionibus II. Nocturni propriis, ab Emo. et Rmo. D. Card. Archinto Episcopo Sabinen. Sac. Rit. Congregationi

*Præfecto, et R. P. D. Hieronymo Napu-  
lionio Fidei Promotore, meque infrascripto  
Secretario revisis. Die 14. Junii 1797.*

**J. Card. Archintus Præfectus.**

Loco ✕ Sigilli.

**D. Coppola S. R. C. Secretarius.**